

Marokoar bat kolpeka hil zuen soldadua gaur auzipetuko du Baionako fiskalak

Kaserna auzoko zortzi auto erre zituzten ezezagun batzuek heriotza gertatu zen gauean

Ostegun arratsean izandako marokoar baten heriotzari buruzko inkesta «ia bukatutzat» jo zuen atzo goizean Patrice Michel Baionako fiskalak. Hots, Poliziak bezperan atxilotutako Lionel Rodilleren aurka elementu ugari dituela adierazi zuen, eta lekuko batek emandako xehetasunak ez du zalantzarik jartzen.


LUTXI FOURCADE / BAIONA

Giro latza eta dorpea nabargarria zen atzo Baionako Citadelle izeneko koartelaren auzoan eta Driss Larroussiren heriotza luzaz komentatu zuten auzokideek. Gauean iragandako istiluak ere aipagai izan ziren, ezezagun batzuek zortzi auto erre baitzituzten koartelaren bidean. Bi auto osoki suntsitu zirela, eta «ekintza ongi antolatuta» zutela azpimarratu zuten auzoko lagunek, eta gasolina botila hutsak aurkitu zituzten. Bazterrak pillean ziren eta antzeko ekintzak berriro gertatuko ziren beldurra nagusi zen.

Gauzak lasaitzeko asmoz, Patrice Michel Baionako fiskalak goraki salatu zituen ekintzak, eta «aurkitu bezain laster, hobendunak gogorki kondenatuko ditugu», adierazi zuen atzo goizean. «Ez ditu ezerk justifikatzen horrelako ekintzak, eta gure ihardukitzea fermua izanen da», gehitu zuen, nahiz eta ez zuen baztertu aurreko egunean gertaturikoa krimen arrazista izan zitekeenik. «Lortutako elementuen arabera, goizegi da zabaltzeko hilketaren zergatia, eta ezin dugu argiki adierazi zer gertatu zitzaien hiltzaileari» azpimarratu zuen zuhurki.

AUZOKIDEAREN LEKUKOTASUN ZEHATZA

Marokoararren ustezko hiltzaileari dagokionez, Poliziaren esku zen atzo, eta «bera izan dela susmo handiak ditugunez, auzipetzeko erabakia hartuko dugu bihar», zioen Michelek, argi utziz alabaina ez zela zalantza handirik hiltzailearen identitateaz. Hots, lekuko ezezagun bati esker Poliziak atxilotu zuen ostiral arratsaldean Lionel Rodille, 27 urteko RPIMako soldadua (Itsas



Zortzi auto erre zituzten hilketaren gauean Baionan.

LUTXI FOURCADE

eta Infanteriako Erregimendu Paraxutista). «Beste auzokide anitzi ere itaunketa egiten zaie Polizia, lekukotasun gehiago biltzeko, argi baita ustezko hiltzaileak bakarrik zela eraso gertatu zen unea», gehitu zuen Michelek.

Gorpuaren autopsia egin zuten Baionako bi medikuek jakinarazi zuten jasotako kolpeez zendu zela. Ukabilkada eta ostikaden ondorioz, haustura ugari aurkitu zioten buruan, aurpegian eta gorputzean eta itotze saioen aztarnek ere atzeman zituzten lepoan. Hala ere, hiltzaileak ez zuela armarik erabili ziurtatu zuten fer-

muki, hala ere bazitekeen biktimari hartu izana gerrikoa kolpeak emateko. «Erasoak hamar minutu soilik iraun zuen eta laguntza laster etorri arren, beranduegi zen, eta Larroussi jadanik hila zen», azpimarratu zuen Michelek.

Egindako ikerketaren arabera, ondoan bizi zen 53 urteko biktima mozkortuta zegoen eraso jasan zuenean eta ez zuen bere burua defenditu ahal izan. Soldaduari dagokionez, poliziek ezin izan zuten adierazi mozkortuta zegoenentz eraso gertatu zen unea, beranduegi atxilotu baitzuten ikerketa egiteko. Hots,

heriotza iragan zen goizeko bietan, eta arratsaldeko hiruretan koartelan detenitu zuten. Alabaina, Poliziak lagun anitzen bertsioa entzun du hiltzailearen eta biktimaren artean gertatutakoa zehazki jakiteko, erasoaren nola iragan zen hobeto ulertzeko. «Hiltzailea erotu zen bat-batean, eta marokoarra zanpatu heriotzaraino, nahiz eta ez ziren elkar ezagutzen», Michelek zioenez. Rodillek berak adieraziko du zer gertatu zitzaien ostegun iluntzean, ezagutzen ez zuen marokoar bat zanpatzeko heriotzaraino eta hatsik gabe uzteko bide bazterrean.

Entseiu nuklearren abiatzea salatu dute ehundaka lagunek

LUTXI FOURCADE / BAIONA

Entseiu nuklearren kontrako manifestaldiaren antolatzaileek espero zuten baino lagun gutxiago bildu zuten atzo arratsaldean Baionako manifestaldian. Alabaina, euria egin arren, ehundaka lagun elkarretaratu ziren Frantziako politika nuklearra salatzen, Frantziako hainbat hiritan egin den bezala. Talde ugariak deitu zuten manifestaldian parte hartzera eta Euskal Herriko Ber-

deak, sozialistak, komunistak bat egin zuten 'Aski entseiuurik' aldarrikatzeko karrikan.

Talde abertzaleek ere dei egin zuten entseiu nuklearren kontrako iritzia adierazteko, baita ere Polinesiako populuekin elkartasuna adierazteko. 'Polinesiaren independentziaren alde' banderola elkarrekin izenpetu zuten EB, EMA eta HA taldeek, ondoan MAIA taldekoek erraiten zutelarik 'Militar eta Nuklearrik ez'. Beste taldeen banderolak, aldiz, nuklear eta Chirac-en aurkako leloak zeramatzaten frantsesez.

Elkarretaratzea amaitu zen suprefeturaren aurrean, Jean Lissar Berdeen bozeramaileak mintzaldia egin ondoren Frantziaren politika militarra salatuz. «Nahiz eta Frantziako biztanleen % 63k eta munduko herri gehie-



Proba nuklearrak salatu zituzten manifestatzaileek.

L.F.

Ertzaintzak bi intsumiso atxilotu ditu Ermuan

BILBO

Ertzaintzak Roberto Alonso eta Sergio Dosantos intsumisoak atxilotu zituen atzo Ermuan. Hauekin batera Alonso Egia gaztea atxilotu zuen Ertzaintzak.

Atxilotetak Gurutze Gorriak Ermuan duen egoitzan izan ziren. Bilatu eta atxilotzeko agindua zuten Roberto Alonso, Sergio Dosantos eta Isac Asurmendi Gurutze Gorriaren egoitza barruan kateatu ziren, «erakunde honek armadari ematen dion laguntza salatzen». Ertzaintzak lehen biak atxilotu zituen, eta hirugarrena aske utzi zuen. Alonsok eta Dosantos bilatu eta atxilotzeko agindupean zeuden, epaiketa egunean ez baitziren agertu. Bi intsumisoek bi urte eta lau hilabeteko kondena dute.

Aipaturiko intsumisoekin batera 200 lagun hurbildu ziren atzo goizean Gurutze Gorriaren egoitzara. Hauen artean Ertzaintzak Roberto Alonso gaztea atxilotu zuen.

Kakitzatek gaurko manifestazioa deia egin du Ermuan. Arratsaldeko 7etan Patxi plazatik abiatuko da, atzoko gertaerak salatu asmo dituen manifestazioa. Datorren asteartean Basauriko kartzela aurrean egingo den kontzentrazioa deitu du Kakitzat talde antimilitaristak.

UNIVERSIDAD DEL PAIS VASCO



EUSKAL HERRIKO UNIBERTSITATEA

LEHIAKETA PUBLIKOA BEHINBEHINEKO IRAKASLE TITULARREN PLAZAK

Honen bidez publiko egiten da, guztiek jakin dezaten, joan den irailaren 15ean Euskal Autonomi Elkarteko prentsan argitaratu zen lehiaketarako gurako onartu eta ez onartuen behinbehineko zerrendak Lehiaketa-Artaleko eta Campusetako Errektorordetzetako iragarki-tauletan azaltzen direla.

Leioan, 1995eko urriaren 1ean.

Errektoréa. Juan Jose Goirieta de Gandarias y Gandarias.